

Askari Wengi Mno

Bwana akamwambia Gideoni, Watu hawa walio pamoja nawe ni wengi mno hata nikawatie Wamidiani katika mikono yao, wasije Israeli wakajivuna juu yangu wakisema, Mkono wangu mwenyewe ndio ulioniokoa. Waamuzi 7:2.

Ilikuwa imefanywa kuwa sheria huko katika Israeli kwamba kabla ya kwenda vitani tangazo lifuatalo lililipaswa kutolewa kwa jeshi lote: “Ni mtu gani aliye hapa aliyejenga nyumba mpya, wala hajaiweka wakfu? Aende akarudi nyumbani kwake, asije akafa mapiganoni, ikawekwa wakfu na mtu mwingine. Ni mtu gani aliye hapa aliye panda shamba la mizabibu, wala hajatumia matunda yake? Aende akarudi nyumbani kwake asije akafa mapiganoni, yakatumiwa na mtu mwingine matunda yake. Ni mtu gani aliye hapa aliye mposa mke wala hajao? Aende akarudi nyumbani kwake asije akafa mapiganoni, huyo mwanamke akaolewa na mume mwingine. Tena maakida na waseme zaidi na watu, wawaambie, Ni mtu gani aliye hapa tena mwenye hofu na moyo mnyonge? Aende akarudi nyumbani kwake, isije mioyo ya nduguze ikayeyuka mfano wa moyo wake” (Kumbukumbu la Torati 20:5-8).

Kwa sababu idadi ya jeshi lake ilikuwa ndogo sana ikilinganishwa na ile ya jeshi la adui, Gideoni aliacha kutoa tangazo la kawaida. Alijawa na mshangao kwa tamko kwamba jeshi lake lilikuwa kubwa mno. Lakini Bwana aliona kiburi na kutokuamini vilivyokuwepo katika mioyo ya watu Wake. Wakiwa wameamshwa na maombi ya kuisisimua ya Gideoni, walikuwa wamejiandikisha upesi; lakini wengi walijawa na hofu walipoona umati wa Wamidiani. Hata hivyo, kama Israeli wangeshinda, watu wale wale wangejichukulia utukufu wao wenyewe badala ya kuhesabia ushindi huo kwa Mungu.

Gideoni alitii maelekezo ya Bwana na kwa moyo mzito aliona elfu ishirini na mbili au zaidi ya theluthi mbili ya jeshi lake lote, wakiondoka kwenda nyumbani kwao.

Bwana yuko tayari kutenda mambo makubwa kwa ajili yetu. Hatutapata ushindi kupitia katika wingi wa idadi, bali kupitia usalimishaji kamili wa roho kwa Yesu. Tunapaswa kwenda mbele kwa nguvu Zake, tukimtumainia Mungu wa Israeli mwenye nguvu. Kuna somo kwetu katika kisa cha jeshi la Gideoni ... Bwana yuko tayari kufanya kazi kupitia juhudi za mwanadamu sasa na kukamilisha mambo makubwa kupitia kwa mawakala dhaifu.